



Broj: 16-12-16-8480- 6 /24
I. Sarajevo, 12.12 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tač. a) i d) i člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-8480/24 od 12.12.2024. godine, u postupku javne nabavke metalnih ormara za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke metalnih ormara
za potrebe Državne agencije za istrage i zaštitu

Član 1.

Poništava se postupak javne nabavke metalnih ormara za potrebe Državne agencije za istrage i zaštitu (u daljem tekstu: Agencija), putem konkurentskog zahtjeva, za koje je obavještenje o javnoj nabavci broj 1161-7-1-328-3-88/24 objavljeno na Portalu javnih nabavki dana 29.11.2024. godine i u „Službenom glasniku BiH“, broj 84/24 od 06.12.2024. godine, iz razloga što za LOT 1 i LOT 2 nije dostavljena nijedna ponuda u krajnjem roku, a za LOT 3 primljena ponuda nije prihvatljiva.

Član 2.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-8480-1/24 od 20.11.2024. godine, pokrenut je postupak javne nabavke metalnih ormara za potrebe Agencije, procijenjene vrijednosti u iznosu od 10.250,00 KM bez uračunatog PDV-a, za koje je obavještenje o javnoj nabavci broj 1161-7-1-328-3-88/24 objavljeno na Portalu javnih nabavki dana 29.11.2024. godine i u „Službenom glasniku BiH“, broj 84/24 od 06.12.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godine („Službeni glasnik BiH“, broj 50/24). Za navedeni postupak javne nabavke predviđeno je provođenje aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23). Postupak javne nabavke metalnih ormara za potrebe

Agencije podijeljen je na lotove i to:

- LOT 1 - Nabavka arhivskih metalnih ormara, procijenjene vrijednosti u iznosu od 1.150,00 KM bez uračunatog PDV-a;
- LOT 2 - Nabavka metalnih ormara za naoružanje, procijenjene vrijednosti u iznosu od 5.150,00 KM bez uračunatog PDV-a;
- LOT 3 - Nabavka sigurnosnog ormara, procijenjene vrijednosti u iznosu od 3.950,00 KM bez uračunatog PDV-a.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 09.12.2024. godine do 13:00 sati, te da se ponude dostavljaju u zatvorenoj koverti, Komisija je dana 09.12.2024. godine u 14:00 sati izvršila javno otvaranje ponude, te je konstatovala da je u ostavljenom roku pristigla jedna ponuda i to:

R/B	Naziv/ime ponuđača	LOT	Ponuđena cijena u KM bez uračunatog PDV-a
1.	„Termoelektro trade” d.o.o. Brčko	LOT 3	3.950,00

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponude, koji je u roku od tri dana dostavljen ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da je ponuda ponuđača „Termoelektro trade” d.o.o. Brčko neprihvatljiva, iz razloga što navedeni ponuđač ne ispunjava uslove iz tačke 3.1.3. Konkurentskog zahtjeva (Ekonomska i finansijska sposobnost, član 47. Zakona). Uvidom u ponudu ponuđača „Termoelektro trade” d.o.o. Brčko, utvrđeno je da isti nije dostavio dokaz – potvrdu Izvještaj o računima pravne osobe iz Jedinistvenog registra transakcijskih računa u Bosni i Hercegovini, koja je izdata od strane poslovne, komercijalne banke certificirane za izdavanje takve potvrde - izvještaja ili ekvivalentan dokument ako se radi o ponuđaču iz inostranstva. Imajući u vidu naprijed navedno, Komisija ponudu ponuđača „Termoelektro trade” d.o.o. Brčko nije uzela u dalje razmatranje.

Komisija je utvrdila da za LOT 1 - Nabavka arhivskih metalnih ormara i LOT 2 - Nabavka metalnih ormara za naoružanje nije dostavljena nijedna ponuda u određenom krajnjem roku.

Imajući u vidu da za LOT 1 i LOT 2 nije dostavljena nijedna ponuda u određenom krajnjem roku, a da za LOT 3 primljena ponuda nije prihvatljiva, Komisija je dala preporuku da se poništi postupak javne nabavke metalnih ormara za potrebe Agencije, u skladu sa odredbom člana 69. stav (2) tač. a) i d) Zakona.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se poništi postupak javne nabavke metalnih ormara za potrebe Agencije, u skladu sa odredbom člana 69. stav (2) tač. a) i d) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

DOSTAVLJENO:

- Ponuđaču;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum

